



OPĆINA KAKANJ

Općinski načelnik

MUNICIPALITY OF KAKANJ

Municipality Mayor

Broj: 02/1- 199 /17

Datum: 10.04. 2017. godine

Na osnovu člana 21. tačka d), člana 42., člana 70. stav 3., i člana 99. stav 1. i 2. Zakona o javnim nabavkama BiH („Službeni glasnik BiH“, broj: 39/14), Naredbe Općinskog štaba civilne zaštite Kakanj o proglašenju stanja nesreće na ograničenom području-naselja „Malješ“ općina Kakanj (iznad regionalnog puta R-445 kod skretanja za Karaulsko Polje) - uslijed klizanja i slijeganja zemljišta, broj: 02/1-1200/17 od 09.03.2017. godine i Naredbe Općinskog štaba civilne zaštite o angažmanu Službe za privredu, urbanizam i zaštitu okoline i Zavoda za planiranje i izgradnju općine Kakanj, broj: 0-04/1-26/17 od 10.03.2017. godine, na preporuku Komisije za javne nabavke utvrđene u Zapisniku br: 08/1-14-1592-4/17 od 06.04.2017. godine, Općinski načelnik kao ugovorni organ donosi

ODLUKU

o dodjeli ugovora putem pregovaračkog postupka bez objave obavještenja o nabavci sa jednim ponuđačem

Član 1.

Prihvata se Preporuka Komisije za javne nabavke, broj: 08/1-14-1592-4/17 od 06.04.2017. godine, i ugovor za javnu nabavku – **Izvođenje radova na sanaciji klizišta na ograničenom području naselja „Malješ“ općina Kakanj**, dodjeljuje se ponuđaču:

1. **TRGOŠPED d.o.o. Kakanj** za ponuđenu cijenu od **499.996,16 KM** bez PDV-a. (584.995,51 KM sa PDV-om)

Član 2.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova Odluka dostavit će se izabranom ponuđaču u predmetnom postupku javne nabavke uz obavještenje o rezultatima postupka.

Član 3.

Ova odluka stupa na snagu danom donošenja, i objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

U skladu sa Naredbom Općinskog štaba civilne zaštite Kakanj o proglašenju stanja nesreće na ograničenom području-naselja „Malješ“ općina Kakanj (iznad regionalnog puta R-445 kod skretanja za Karaulsko Polje) - uslijed klizanja i slijeganja zemljišta, broj: 02/1-1200/17 od 09.03.2017. godine i Naredbom Općinskog štaba civilne zaštite o angažmanu Službe za privredu, urbanizam i zaštitu okoline i Zavoda za planiranje i izgradnju općine Kakanj, broj: 0-04/1-26/17 od 10.03.2017. godine, **iz razloga krajnje hitnosti, prouzrokovane događajima nepredviđenim za ugovorni organ, preventivne evakuacije 50 osoba zbog sigurnosnog rizika, donesena je Odluka o pokretanju pregovaračkog postupka bez objave obavještenja o nabavci radova na sanaciji klizišta na ograničenom području naselja „Malješ“ općina Kakanj**, broj: 02/1-1819/17 od 03.04.2017. godine.

Nakon donošenja ove Odluke, shodno odredbama člana 1. stav 2., člana 18. stav 1., člana 21. tačka d) Zakona o javnim nabavkama BiH („Sl. glasnik BiH“, broj: 39/14 i 47/14), a u skladu sa Naredbom Općinskog štaba civilne zaštite Kakanj, broj: 0-04/4-34/2017 od 14.03.2017 godine, upućen je Poziv za učešće u pregovaračkom postupku firmi Trgošped d.o.o. Kakanj (u daljem tekstu Ponuđač), da dostavi početnu/inicijalnu ponudu do datuma navedenog u istom. Informacija o namjeri provođenja pregovaračkog postupka bez objave obavještenja isti dan je objavljena na web stranici Ugovornog organa.

Rješenjem Općinskog načelnika, broj: 02/1-1680/17 od 23.03.2017. godine, imenovana je Komisija za provođenje pregovaračkog postupka nabavke bez objave obavještenja o nabavci.

Procijenjena vrijednost javne nabavke iznosi 500.000,00 KM bez PDV-a.

Na poziv Ugovornog organa, dana 04.04.2017. godine do 12,00 sati dostavljena je početna/inicijalna ponuda kandidata Trgošped doo Kakanj. Nakon što je Komisija utvrdila da je kandidat kvalifikovan sa istim je izvršeno pregovaranje u pogledu ponuđene cijene, lične, tehničke i profesionalne sposobnosti. Na osnovu provedenih pregovora Komisija je sačinila zapisnik, broj: 08/1-14-1592-3/17 od 05.04.2017. godine, u kojem je utvrđeno sljedeće:

- Da se u Obrascu za cijenu konačne ponude, u stavci „nepredviđeni radovi“ umanju iznos na 1% od ukupne ponuđene cijene bez PDV-a,
- Obzirom da ponuđena cijena premašuje iznos procijenjene vrijednosti javne nabavke, Komisija je predložila da ponuđač izvrši korekciju cijene ponude, tako da ukupna ponuđena cijena ne prelazi procijenjenu vrijednost,
- Da je rok 06.04.2017. godine do 8,30 sati da kvalifikovani ponuđač dostavi svoju konačnu ponudu.

Ponuđač je u navedenom roku dostavio konačnu ponudu. Komisija nakon otvaranja i razmatranja ponude konstatovala da je ponuđač ispunio pregovorima postignuti dogovor koji je konstatovan u zapisniku o pregovorima, odnosno da iznos za „nepredviđene radove“ je 1% od ukupne ponuđene cijene bez PDV-a, te da ukupna ponuđena cijena ne prelazi procijenjenu vrijednost nabavke.

Komisija je nakon ocjene pristigle ponude, po utvrđenim kriterijima, jednoglasno utvrdila da je ponuda kvalifikovana i prihvatljiva za ugovorni organ, te je isto konstatovala u Zapisniku o ocjeni konačne ponude.

Imajući u vidu naprijed navedeno, Komisija je dala prijedlog Ugovornom organu da se predmetni ugovor o izvođenju radova na sanaciji klizišta na ograničenom području naselja „Malješ“ općina Kakanj dodijeli navedenom ponuđaču.

Cijeneći navedeno odlučeno je kao u dispozitivu.

PRAVNA POUKA:

Žalba se izjavljuje najkasnije u roku od 3 dana od dana prijema iste, (od dana objave na web stranici). Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjeraka. Žalilac je obavezan platiti naknadu za pokretanje žalbenog postupka u iznosu od 5.000,00 KM. Naknada se uplaćuje u korist budžeta institucija Bosne i Hercegovine i međunarodnih obaveza Bosne i Hercegovine i ona je nepovratna u slučaju neosnovane žalbe.

DOSTAVITI:

- Trgošped d.o.o. Kakanj
- Komisiji za javne nabavke
- Službena web stranica Općine Kakanj
- a/a

OPĆINSKI NAČELNIK

Nermin Mandra

